

帝王經世圖譜

六

帝王經世圖譜

卷八

五溝五涂異同之譜

溝	遂 深二尺 廣二尺	溝 深四尺 廣四尺	洫 深八尺 廣八尺	澮 深二仞 廣二尋	川	
涂	徑 馬牛容	畛 車大容	涂 軌車一容乘	道 軌二容	路 軌三容	
遂人 治野之法	夫間	十夫 鄰二	百夫 鄰一	千夫 鄰二	萬夫 縣四	
匠人	田首	井間	成間	同間 專達於川 各載其名	兩山之間必以涉揚其 有川 大川之上必 有涂	
稻人 掌稼下地	豬 以畜水	防 以止水	溝 以蕩水	遂 以均水	列 以舍水	澮 以寫水
					芟作田	

遂人計夫舉外

匠人計里舉內

鄭氏謂畿內用貢畿外用助非是

大田有助
崧高有貢



周禮

大司徒凡造都鄙制其地域而封溝之以其室數制之不易之地家百畷一易之地家二百畷再易之地家三百畷乃分地職奠地守制地貢而頒職事焉以為地灋而待政令

令五家為比使之相保五比為閭使之相受四閭為族使之相葬五族為黨使之相救五黨為州使之相賙五州為鄉使之相賓

小司徒乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人凡起徒役毋過家一人以其餘為羨唯田與追胥竭作凡用衆庶則掌其政教與其戒禁聽其辭訟施其賞罰誅其犯命者凡國之大事致民大故致餘子乃經土地而井牧其田野九夫為井四井為邑四邑為丘四丘為甸四甸為縣四縣為都以任地事而令貢賦凡稅斂之事乃分地域而辨其守施其職而平其政

族師五家為比十家為聯五人為伍十人為聯四閭為族八閭為聯使之相保相受刑罰慶賞相及相共以受邦職以役國事以相葬埋

載師掌任土之灋以物地事授地職而待其政令以廛里任國中之地以場圃任園地以宅田士田賈田任近郊之地以官田牛田賞田牧田任遠郊之地以公邑之田任甸地以家邑之田任稍地以小都之田任縣地以大都之田任疆地凡任地國宅無征園廛二十而一近郊十一遠郊二十而三甸稍縣都皆無過十二唯其漆林之征二十而五凡宅不毛者有里布凡田不耕者出屋粟凡民無職事者出夫家之征遂人掌邦之野以土地之圖經田野造縣鄙形體之灋五家為鄰五鄰為里四里為鄣五鄣為鄙五鄙為縣五縣為遂皆有地域溝樹之使各掌其政令刑禁以歲時稽其人民而授之田野簡其兵器教之稼穡凡治野以下劑致甿以田里安甿以樂民昏擾甿以土宜教甿稼穡以興耜利甿以時器勸甿以疆予任甿以土均平政辨其野之土上地中地下地以頒田里上地夫一廛田百畷萊五十畷餘夫亦如之中地夫一廛田百畷萊百畷餘夫亦如之下地夫一廛田百畷萊二百畷餘夫亦如之凡治野夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路以達于畿以歲時登其夫家之衆寡及其六畜車輦辨

其老幼廢疾與其施舍者以頒職作事以令貢賦以令師田以起政
役 匠人為溝洫耜廣五寸二耜為耦一耦之伐廣尺深尺謂之
畝田首倍之廣二尺深二尺謂之遂九夫為井井間廣四尺深四尺
謂之溝方十里為成成間廣八尺深八尺謂之洫方百里為同同間
廣二尋深二仞謂之澮專達於川各載其名凡天下之地執防必因地執善
間必有川焉大川之上必有涂焉 凡溝必因水執防必因地執善
溝者水漱之善防者水滂之凡為防廣與崇方其稠參分去一大防
外稠凡溝防必一日先深之以為式里為式然後可以傳眾力
稻人掌稼下地 大司馬凡令賦以地與民制之上地食者參之
二其民可用者家三人下地食者半其民可用者二家五人下地食
者參之一其民可用者家二人

尚書 甘誓乃召六卿

毛詩 采芑其車三千

公劉其軍三單

信南山維禹甸之 中田

有廬

甫田倬彼甫田歲取十千

大田雨我公田遂及我私

文王有聲築城伊瀉

崧高徹申伯土田徹申伯土疆

韓奕

維禹甸之實畝實藉

噫嘻駿發爾私終三十里亦服爾耕十千

維耦

載芟侯疆侯以

春秋 成公元年三月作丘甲

襄公十一年正月作三軍

五年正

月舍中軍

哀公十二年春用田賦

宣公十五年初稅畝

左傳

襄公二十五年楚蒍掩為司馬子木使庀賦數甲兵甲午蒍掩書土

田度山林鳩藪澤辨京陵表淳鹵數疆潦規偃豬町原防牧隰臯井
衍沃量入脩賦賦車籍馬賦車兵徒卒甲楯之數既成以授子木禮
也 哀公四年鄭子產作丘賦 哀公元年伍員曰少康有田
一成有眾一旅

孟子

滕文公上文公使畢戰問井地孟子曰子之君將行仁政選擇而使

子子必勉之夫仁政必自經界始經界不正井地不鈞穀祿不平是
故暴君汙吏必慢其經界經界既正分田制祿可坐而定也夫滕壤
地褊小將為君子焉將為野人焉無君子莫治野人無野人莫養君
子請野九一而助國中什一使自賦鄉以下必有圭田圭田五十畝
餘夫二十五畝死徙無出山鄉鄉田同井出入相友守望相助疾病相

扶持則百姓親睦方里而井井九百畝其中為公田八家皆私百畝同養公田公事畢然後敢治私事所以別野人也此其大略也告子下白圭曰吾欲二十而取一何如孟子曰子之道貉道也萬室之國一人陶則可乎曰不可器不足用也曰夫貉五穀不生惟豮生之無城郭宮室宗廟祭祀之禮無諸侯幣帛饗殮無百官有司故二十取一而足也


西漢刑法志殷周以兵定天下矣天下既定戢臧干戈教以文德而猶立司馬之官設六軍之衆因井田而制軍賦地方一里為井井十為通通一為成成方十里成十為終終十為同同方百里同十為封封十為畿畿方千里有稅有賦稅以足食賦以足兵故四井為邑四邑為丘丘十六井也有戎馬一匹牛三頭四丘為甸甸六十四井也有戎馬四匹兵車一乘牛十二頭甲士三人卒七十二人干戈備具是謂乘馬之法一同百里提封萬井除山川沈丘城池邑居園囿術路三千六百井定出賦六千四百井戎馬四百匹兵車百乘此卿大夫采地之大者也是謂百乘之家一封三百一十六里提封十萬井定出賦六萬四千井戎馬四千匹兵車千乘此諸侯之大者也是謂千乘之國天子畿方千里提封百萬井定出賦六十四萬井戎馬四萬匹兵車萬乘故稱萬乘之主戎馬車徒干戈素具春振旅以搜夏拔舍以苗秋治兵以獮冬大閱以狩皆於農隙以講事焉五國為屬屬有長十國為連連有帥三十國為卒卒有正二百一十國為州州有牧連帥比年簡車卒正三年簡徒羣牧五載大簡車徒此先王為國立武足兵之大略也

周禮小司徒鄭司農注司馬法曰六尺為步步百為晦晦百為夫夫三為屋屋三為井井十為通通為匹馬三十家士一人徒二人通十為成成百井三百家革車一乘士十人徒二十人十成為終終千井三千家革車十乘士百人徒二百人十終為同同方百里萬井三萬家革車百乘士千人徒二千人井田之制周禮畧存其大經鄉遂都鄙為法殊途諸侯之大小不同而內外輕重詳略之法與王畿相似漢儒不加剖析周公之制遂以不彰今別而言之井田之綱舉矣王畿方千里面各五百里

百里為郊二百里為甸三百里為稍四百里為縣五百里為都六
鄉地居四同在郊六遂如鄉在甸郊之餘地以為場園宅田賈田
士田官田牛田賞田牧田甸之餘地以為公邑稍縣都以為采地
鄉遂王所自治公邑之外是為都鄙先王制法重內輕外歸之大
同不憚小異大司徒令五家為比五比為閭四閭為族五族為黨
五黨為州五州為鄉小司徒會萬民之卒伍而用之五人為伍五
伍為兩四兩為卒五卒為旅五旅為師五師為軍上地家七人可
任也者家三人中地家六人可任也者二家五人下地家五人可
任也者家二人九起徒役無過家一人然則鄉之授地均以百畝
其出兵均以一人其無公田不用丘乘取兵之法明矣司稼巡野
觀稼以年之上下出斂法是六鄉之田用夏貢法孟子所謂什一
使自賦也遂人治野五家為鄰五鄰為里四里為鄴五鄴為鄙五
鄙為縣五縣為遂居民出賦大槩同於六鄉所小異者授地有田
菜之差而任民均於下劑則加二人而已六鄉地狹人衆故因其
地而等其人六遂地廣人稀故輕其役而均其地使地皆足以養
人人皆足以給使則不同之同也鄉遂乘法成於族鄴兵車一乘
馬四匹甲士三人卒七十二人革車一乘牛十二頭甲士一人徒
二十四人鄉遂各七萬五千人攻守自副為兵車革車合三千乘
故采芑言方叔率止其車三千此鄉遂之兵制也大司徒九造都
鄙制其地域而封溝之以其室數制之不易之地家百畝一易之地
家二百畝再易之地家三百畝小司徒乃經土地而井牧其田野九
夫為井四井為邑四邑為丘四丘為甸四甸為縣四縣為都夫九夫
為井則其中為公田八家皆私百畝同養公田中田有廬八家各二
畝半餘八十畝八家共治之則私田百而公田十孟子所謂九一而助
其實皆什一也四丘為甸六十四井而乘馬之法具即司馬法所謂
甸有戎馬四匹兵車一乘牛十二頭甲士三人卒七十二人干戈備
具者也一甸之賦百人攻守車各一乘司馬法不備言者欲明兵
車之制故止以牛見守車也司馬法又言通十為成成百井三百
家革車一乘士十人徒二十人若與丘乘躋駁者地兼溝洫屋兼
三夫車兼守車而以士十人互見攻車也一甸所出卒長御右兩

司馬與守車之伍長合十人則有攻車可知攻守之車皆用革輓而攻車建五兵故於丘甸言兵車於成言革車也古文簡質互相發明類如此設或甸無革車不應言牛成無兵車則士十人將安用哉大司徒造都鄙不易一易再易之地略與遂人上地中地下地相倣而都鄙無一廛者廛在田中則有室而已不易百畝而上地萊五十畝若不同者周之制地征其實九等而互以三等見之家百畝者田上上萊五十畝者田上下二百畝者田下下自百畝至三百畝每二十五畝為差九等通率相補皆再易之地也都鄙授田與六遂同出兵不當六遂五之一先王彊幹弱枝深意在此鄉遂出兵雖五倍兵乘而牛人掌共兵車之牛校人軍事物馬而頒之馬質戎馬有物賈受於有司者書焉車僕凡師充革車司戈盾授兵從司馬之法而頒之司常大閱贊司馬頒旗物則知鄉遂之馬牛車甲兵器旗物皆頒於公非若丘乘之具於民此先王之所以至公至均也故夏曰貢商曰助周曰徹者通貢助之法而用之夏啓戰甘之野乃召六卿則卿治鄉足軍自禹法如此非周公初意鄉遂用貢具六軍都鄙用助通王畿出賦萬乘周禮井田之大經不其昭乎費誓曰魯人三郊三遂所謂成國半天子之軍而宣公稅畝成公作丘甲則魯郊遂之外用助與商丘乘與周同孟子告滕文公請野九一國中什一亦欲復周之徹耳言井田通乎鄉遂都鄙貢助軍賦之異制則舉而措之天下無難矣


九夫為井之圖



方一里

四丘為甸之圖

十里為成附




四丘為甸之圖


十里為成附

四縣為都之圖

百里為同附



千里為畿之圖



同

同

封

畿

漢志封言王八里提封
十方井定出畿六方四千井戎
馬四千匹兵車千乘此諸侯
之大者是謂千乘之國

漢志天子畿六千里提封
百井定出畿六十四方井戎
馬四萬匹兵車萬乘此諸侯
乘之主戎馬車徒素具

千里為畿之圖

王畿任地之圖

以大都之田任畺地

以小都之田任縣地

以家邑之田任稍地

以公邑之田任甸地

王畿

以官田生國官收田任遠郊之地
以宅百士田費田任近郊之地
以場圃任國中之地
以廛里任國中之地

國宅無征
園廛二十而稅一
近郊十一
遠郊二十而三

甸十二

稍十二

縣十二

都十二


王畿任地之圖

九等通率之圖

周禮大司徒不易之地家百晦一易之地家二百晦再易之地家三百晦遂人辨其野之土上地中地地以頒田里上地夫一廛田百晦菜五十晦中地夫一廛田百晦萊百畝下地夫一廛田百晦萊二百晦古之分田大約上中下三等禹貢所謂三壤是也於三等之中又各折為三是為九等大司徒所謂五物九等制天下之地征是也九等授田自百晦始等加二十五畝至三百晦而五等正當二百晦是為中數餘八等更相補故以一易之地二百晦為通率大司徒不易之地家百晦一易之地家二百晦再易之地家三百晦而遂人上地有萊五十晦非不同也司徒主以易不易言之故舉上上中中下下三等此不易一易再易之正也遂人主以上中下言之故舉上上中中下下三等舉其一可以見其二也古人文約義詳故於三等之中互見九等之法如此

<p>上 二百五十晦 各得二百晦</p> <p>與上下通率</p>	<p>中 百七十五晦 各得二百晦</p> <p>與中下通率</p>	<p>上 百晦 各得二百晦</p> <p>與下下通率上</p>
<p>中 二百二十五晦 各得二百晦</p> <p>與上中通率</p>	<p>中 二百晦</p> <p>與下中通率</p>	<p>中 百二十五晦 各得二百晦</p> <p>與下中通率</p>
<p>下 三百晦 各得二百晦</p> <p>與上上通率</p>	<p>中 二百二十五晦 各得二百晦</p> <p>與中上通率</p>	<p>上 百五十晦 各得二百晦</p> <p>與下上通率</p>

一廛授地之圖



一廛授地之圖

周禮 大司徒九造都鄙制其地域而溝封之以其室數制之 小司徒

乃經土地而井牧其田野九夫為井 遂人治野以田里安甿

辨其野之土上地中地下地以頒田里上地夫一廛餘夫亦如之中

地夫一廛餘夫亦如之下地夫一廛餘夫亦如之 載師以廛里

任國中之地國宅無征凡宅不毛者有里布

毛詩 信南山中田有廬 七月四之日舉趾 入北室處上入執宮

功 遵彼微行

尚書 仲春厥民析仲夏厥民因仲秋厥民夷仲冬厥民隩

孟子 孟子曰五畝之宅樹之以桑

先王居民因天時之宜取人事之便順陰陽以出入故五畝之宅

半在邑半在田雖鄉遂井牧之不同而此制則一但古文質畧互

見於鄉言國宅無征以見田廬於遂言頒田里夫一廛以見與鄉

同制於造都鄙言室數以見邑居有以知其無異制也農事方作

而陽氣未盛故厥民析陽氣已盛而農事急故厥民因農事猶急

而陰氣未盛故厥民夷農事畢而陰氣盛故厥民隩天無失時人

無廢事野無惰農民無災疾財成輔相之宜未有先於此者也

鄉遂都鄙授地任民出賦之譜

九等	小司徒	大司馬 令賦同	遂人	治野 家五人同 夫一廛同可任家 同	大司徒 都鄙
上	肥磽通率可食七人	田百晦	菜二十五畝	不易家百畝	舉上
上中	上地食者參之二 正當 上下	田百晦	菜二十五畝	家百二十五畝	
上下	其民可任者家三人	田百晦	菜五十畝 舉上下	家百五十畝	
中上	肥磽通率可食六人	田百晦	菜七十五畝	家百七十五畝	
中中	中地食者半 正當 中中	田百晦	菜百畝 舉中中	一易家二百畝	舉中中
中下	其民可任者二家五人	田百晦	菜百二十五畝	家二百二十五畝	
下上	肥磽通率可食五人	田百晦	菜百五十畝	家二百五十畝	
下中	下地食者三之一 正當 下下	田百晦	菜百七十五畝	家二百七十五畝	
下下	其民可任者家二人	田百晦	菜二百畝 舉下下	再易家三百畝	舉下下

鄉自三人以外則為餘夫
鄉欲民衆

遂自二人以外則為餘夫
野欲地闕

興耜 新田 疆予 餘夫

不及二人之家
別授下地
其征役

鄉遂無公田

都鄙有田

鄉遂都鄙出兵之譜

九夫為井	四井為邑	四邑為丘 百四十四家 出兵二十五人	四丘為甸 五百七十六家 出兵百人	四甸為縣	四縣為都
上地可任 三家	中地可任 二家 五人	下地可任 二家 五人			
鄉晚役早休	下劑 通率家 二人	遂早役晚休			
<p>鄉遂</p> <p>馬牛車甲旗鼓兵器器</p> <p>官給</p> <p>見周禮前說備矣</p>			<p>都鄙</p> <p>馬牛車甲旗鼓兵器器</p> <p>自具</p> <p>見前譜司馬法</p>		

都鄙
鄉
遂

周禮小司徒之職乃經土地而井牧其田野九夫為井四井為邑四邑為丘四丘為甸四甸為縣四縣為都以任地事而令貢賦凡稅斂之事乃分地域而辨其守施其職而平其政

司馬法見鄭注漢志

先王之制力役內自六鄉外至都鄙其輕重多寡蚤晚皆不同而歸於大均說者惑之而自為異說第未深考之云耳鄉大夫言國中鄉也言野遂也因鄉而及遂見鄉輕而遂重也小司徒以上地中地下地任民鄉法也遂人以下劑致甿遂法也合而觀之見鄉重而遂輕也都鄙用井田五百七十六家而出兵百人則較鄉遂五倍其數若重矣然鄉遂賦出於公都鄙賦出於民則實均耳先王之微意強幹而弱枝重內而輕外鄉欲兵衆而強遂欲足以為鄉之副都鄙則助鄉遂而已故遂之羨率減於鄉三之二都鄙之兵不當遂五之一鄉晚役而早休遂早役而晚休則鄉兵實強遂兵弱於鄉矣至於以豐年中年無年為役之多寡有無以龍見日至為力役之始終貴賢能服公事老疾之皆舍則無間乎鄉遂都鄙同乎一而已當異而異當同而同終歸於大均此類族辨物所以為同人衷多益寡所以為稱物平施容民蓄衆所以為師也王制不從政之說漢儒約三代之制而參取之又古文殘缺不得其真故有與周官牴牾者姑存以見異同後儒甸用三日通計十三日之說非事舉其中之意也

鄉遂居民設官之譜

制軍設官附

五州為鄉	五黨為州 州長中大夫	五族為黨 黨正大夫	四閭為族 族師上士	五比為閭 閭胥中士	五家為比 比長下士	六鄉	鄉官	六遂	遂官	六軍	軍官
鄉大夫 鄉卿	五鄙為縣 縣正大夫	五鄣為鄙 鄙師上士	四里為鄣 鄣長中士	五鄰為里 里宰下士	五家為鄰 鄰長					五人為伍 伍皆有長	<small>不言下士 以存六遂</small>
五縣為遂 遂人 中大夫	五旅為師 師帥中大夫	五卒為旅 旅帥下大夫	四兩為卒 卒長上士	五伍為兩 兩司馬中士							
五師為軍 軍將 命卿											

遂為六鄉之副其遂官遞降一等

遂軍為鄉軍之副其軍官亦然

職官設官之譜

制軍設官附

保伍居民出軍之譜

刻

卷十九

相保相受相和親相糾相贊刑罰慶賞相及相共相友相助相扶持
自五家九夫以上皆然相葬以上事別

上者無下
下者不得無上

五州為鄉 <small>使相之賓</small>	五黨為州 <small>使相之調</small>	五族為黨 <small>使相之救</small>	四閭為族 <small>使相之葬</small>	五比為閭 <small>使相之受</small>	五家為比 <small>使相之親</small>	鄉
			八閭為聯		<small>使之相保相受刑罰慶賞相及相共以受邦職以役國事以相葬埋</small>	
鄉共吉凶 禮樂之器	州共賓器	黨共射器	族共喪器	閭共祭器	比共宮二服	
五縣為遂	五鄙為縣	五鄙為鄙	四里為鄰	五鄰為里	<small>堂相糾相受九邑中之政相贊</small>	遂
五師為軍	五旅為師	五卒為旅	四兩為卒	五伍為兩	五人為伍	軍
四縣為都	四甸為縣	四丘為甸 <small>五百七十六夫</small>	四邑為丘 <small>百四十四夫</small>	四井為邑 <small>三十六夫</small>	<small>編田同井出入相友守望相助疾病相扶持</small>	井牧
大傳州十 師十為州 有二師	都十為師	邑十為都	里五為邑	朋三為里	井一為鄰 <small>八家</small>	別說 <small>出尚書大傳 或查黃帝法</small>

保伍居民出軍之譜

周禮大司徒之職令五家為比使之相保五比為閭使之相受四閭為族使之相葬五族為黨使之相救五黨為州使之相調五州為鄉使之相賓小司徒之職乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦乃經土地而井牧其田野九夫為井四井為邑四邑為丘四丘為甸四甸為縣四縣為都鄉師之職正歲稽其鄉器比共吉凶二服閭共祭器族共喪器黨共射器州共賓器鄉共吉凶禮樂之器族師五家為比十家為聯五人為伍十人為聯四閭為族八閭為聯使之相保相受刑罰慶賞相及相共以受邦職以役國事以相葬埋比長各掌其比之治五家相受相和親有臯竒哀則相及遂人五家為鄰五鄰為里五里為鄰五鄰為鄙五鄙為縣五縣為遂鄰長掌相糾相受凡邑中之政相贊士師之職掌鄉合州黨旅閭比之聯與其民人之什伍使之相安相受以比追胥之事以施刑罰慶賞

孟子

鄉田同井出入相友守望相助疾病相扶持則百姓親睦

尚書

大傳洛誥古者處師八家而為鄰三鄰而為朋三朋而為里五里而

為邑十邑而為都十都而為師州十有二師焉家不盈三口者不朋由命士以上不朋

古之為保伍將以安民後之為保伍將以厲民書曰王啓監厥亂為民曰無胥戕無胥虐至于敬寡至于屬婦合由以容言上下共由此道以相容也故自五家為比至於萬二千五百家之鄉使之更相親愛同其憂樂然後軍旅田役貢賦追胥從而出焉其本在大司徒而小司徒其末也後世授田法廢民失其養凡大司徒所謂相保相受相葬相救相調相賓者皆無有矣獨軍旅力役貢賦追胥之事與有罪竒哀則相及者獨存耳故民不獨疾視其上而保伍之害更相傾軋爭鬪之獄日煩為上者不自反其法之不善又從而刑之是罔民也其失先王之意遠矣故譜先王之法以見其良法美意

井田出車之譜

	都	縣	甸	丘	邑	井	
井牧法	四縣	四甸	四丘	四邑	四井	九夫	小司徒
出兵車 見守車法	方百里為同旁加重 戎馬四百匹 兵車百乘		旁加一里為成 有戎馬四匹兵車 一乘牛十二頭甲 士三人卒七士二人	有戎馬一匹 牛三頭			漢志司馬法
出守車 見兵車法	家 革車百乘士 千人徒二千人	同方百里萬井三萬	通十為成百井 革車一乘士 十人徒二十人			夫三為屋 屋三為井	鄭注司馬法

周知民數之譜

<p>總掌</p>	<p>九職任萬民 九兩繫邦國之民 冢宰 貳民數 日成月要歲 司會成以周知四 大民數國之治</p>	<p>以天下土地之畜辨其 邦國都鄙之數 司徒 縣師掌邦國都鄙 稍甸郊里之地域 鼓世奠繫 小史奠世繫</p>	<p>內史貳民數 宗伯 天府藏民數 九法簡稽鄉民</p>	<p>職方氏掌天下之 圖辨其邦國都鄙 夷蠻閩貉戎狄之人 民與其財用九穀 六畜之數 小司寇獻民數</p>	<p>司寇 司民登萬民之數</p>	<p>工協革 百工本屬 司空今亡 不可攷 司空 度地 居民</p>	
<p>分掌 鄉 遂</p>	<p>閭胥 掌二十五家 里宰</p>	<p>族師 掌百家</p>	<p>鄣長 黨正</p>	<p>郵師 掌五百家</p>	<p>州長 掌二千五百家 縣師</p>	<p>鄉師 鄉大夫 鄉士 掌万二千 五百家 遂人 遂大夫 遂師 遂士</p>	
<p>分掌 王 畿</p>	<p>大宰 九職 貳民數 小宰 八成 司會 貳民數 司書 邦中之版</p>	<p>大司徒掌建邦之 土地之圖與其 民之數 小司徒 稽國中及四郊都 鄙之夫家九比之 數 廩人掌九穀之 數萬民之食</p>	<p>藏民數 天府 穀數</p>	<p>振旅 芟舍 治兵 大閱 司馬</p>	<p>司民登民數 司寇獻民數 鄉士各掌其鄉 遂士各掌其遂 縣士各掌其縣</p>	<p>司民 登萬民 之數</p>	
<p>分掌 士 臣</p>	<p>掌群臣 之版</p>	<p>司士</p>	<p>大胥 掌學士 之版</p>	<p>司民 登萬民 之數</p>	<p>司民 登萬民 之數</p>	<p>司民 登萬民 之數</p>	
<p>時</p>	<p>時 孟 月</p>	<p>歲 終 歲</p>	<p>三年</p>	<p>三年</p>	<p>三年</p>	<p>三年</p>	
<p>官 國 語</p>	<p>司民協孤終</p>	<p>司商協名姓</p>	<p>司徒協旅</p>	<p>司寇協姦</p>	<p>工協革</p>	<p>場協入</p>	<p>廩協出</p>
<p>事 國 語</p>	<p>治田于籍</p>	<p>按于農隙</p>	<p>耨於籍</p>	<p>苗與按同</p>	<p>穫於籍</p>	<p>狝於既烝</p>	<p>狝於畢時</p>

劉宗

八卷 二十一

周禮小宰以官府之八成經邦治一曰聽政役以比居二曰聽師田以簡稽三曰聽閭里以版圖大宰以九職任萬民一曰三農生九穀二曰園圃毓草木三曰虞衡作山澤之材四曰數牧養蕃鳥獸五曰百工飭化八材六曰商賈阜通貨賄七曰嬪婦化治絲枲八曰臣妾聚斂疏材九曰間民無常職轉移執事以九兩繫邦國之民一曰牧以地得民二曰長以貴得民三曰師以賢得民四曰儒以道得民五曰宗以族得民六曰主以利得民七曰吏以治得民八曰友以任得民九曰數以富得民司書掌邦中之版土地之圖三歲則大計羣吏之治以知田野夫家六畜之數大司徒之職掌建邦之土地之圖與其人民之數以佐王安擾邦國小司徒之職掌建邦之教法以稽國中及四郊都鄙之夫家九比之數以辨其貴賤老幼廢疾凡征役之施舍與其祭祀飲食喪紀之禁令乃頒比灋于六鄉之大夫使各登其鄉之衆寡六畜車輦辨其物以歲時入其數以施政教行徵令及三年則大比大比則受邦國之比要乃會萬民之卒伍而用之五人爲伍五伍爲兩四兩爲卒五卒爲旅五旅爲師五師爲軍以起軍旅以作田役以比追胥以令貢賦乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人凡起徒役毋過家一人以其餘爲羨唯田與追胥竭作凡用衆庶則掌其政教與其戒禁聽其辭訟施其賞罰誅其犯命者凡國之大事致民大故致餘子凡民訟以地比正之地訟以圖正之及大比六鄉四郊之吏攷夫屋及其衆寡六畜兵器以待政令鄉師之職各掌其所治鄉之教而聽其治以國比之灋以時稽其夫家衆寡辨其老幼貴賤廢疾馬牛之物辨其可任者與其施舍者鄉大夫之職以歲時登其夫家之衆寡辨其可任者國中自七尺以及六十野自六尺以及六十有五皆征之其舍者國中貴者賢者能者服公事老者疾者皆舍以歲時入其書州長三年大比則大攷州里以贊鄉大夫廢興黨正以歲時涖校比及大比亦如之族師各掌其族之戒令政事月吉則屬民而讀邦灋書其孝弟睦婣有學者春秋祭酺亦如之以邦比之灋帥四閭之吏以時屬民而校登其族之夫家衆寡辨其貴賤老幼廢疾可任

者及其六畜車輦 閭胥各掌其閭之徵令以歲時各數其閭之衆寡辨其施舍 縣師掌邦國都鄙稍甸郊里之地域而辨其夫家人民田萊之數及其六畜車輦之稽三年大比則以攷群吏而以詔廢置 遂人以歲時稽其人民而授之田野簡其兵器教之稼穡凡治野以下劑致阡以田里安阡以樂昏擾阡以土宜教阡稼穡以興勸利阡以時器勸阡以彊予任阡以土均平政辨其野之土上地中地下地以頒田里上地夫一廛田百晦萊五十晦餘夫亦如之中地夫一廛田百晦萊百晦餘夫亦如之下地夫一廛田百晦萊二百晦餘夫亦如之凡治野夫間有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路以達于畿以歲時登其夫家之衆寡及其六畜車輦辨其老幼廢疾與其施舍者以頒職作事以令貢賦以令師田以起政役 遂師各掌其遂之政令戒禁以時登其夫家之衆寡六畜車輦辨其施舍與其可任者經牧其田野辨其可食者周知其數而任之以徵財征作役事則聽其治訟巡其稼穡而移用其民以救其時事 遂大夫各掌其遂之政令以歲時稽其夫家之衆寡六畜田野辨其可任者與其可施舍者以教稼穡以稽功事 縣正各掌其縣之政令徵比 鄙師以時數其衆庶 鄭長以時校登其夫家比其衆寡 里宰掌比其邑之衆寡與其六畜兵器 廩人掌九穀之數凡萬民之食食者人四鬴上也人三鬴中也人二鬴下也 天府掌祖廟之守藏若祭天之司民司祿而獻民數穀數則受而藏之 大胥掌學士之版 替矇世奠繫小史掌邦國之志奠繫世辨昭穆 大司馬掌建國之九法簡稽鄉民以用邦國凡令賦以地與民制之 司士掌群臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子之數 職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害 小司寇及大比登民數自生齒以一登于天府內史司會冢宰貳之以制國用 孟冬祀司民獻民數於王王拜受之以圖國用而進退之歲終則令群士計獄弊訟登中于天府鄉士掌國中各掌其鄉之民數而糾戒之 遂士掌四郊各掌其遂

之民數而糾其戒令 縣士掌野各掌其縣之民數 司民掌登萬民之數自生齒以上皆書於版辨其國中與其都鄙及其郊野異其男女歲登下其死生及三年大比以萬民之數詔司寇司寇及孟冬祀司民之日獻其數于王王拜受之登于天府內史司會冢宰貳之以贊王治

尚書周官司空掌邦土居四民

禮記王制司空執度度地居民

國語宣王料民于大原仲山父諫曰民不可料也夫古者不料民而知其少多司民協孤終司商協名姓司徒協旅司寇協姦牧協職工協革場協入廩協出是則少多死生出入往來皆可知也於是又審之以事王治農于籍梭于農隙耨穫亦於籍獮於既烝狩於畢時是皆習民數者也又何料焉不謂其少而大料之是示少而惡事也臨政示少諸侯避之治民惡事無以賦令且無故而料民天之所惡也害於政而妨於後嗣王卒料之

夫乾天下之至健也德行常易以知險夫坤天下之至順也德行

卷之六十五

六十五

一

常簡以知阻坎之象曰水洊至習坎君子以常德行習教事天下若是其廣人民若是其衆少多出入死生往來日異而月不同何啻於水之習坎險阻而難知而先王必有以周知之蓋不獨周知其地而又周知其人不獨知其人而畜財器械亦不得而隱至公至均之法由此可得而施果何道以知之皆得乎乾坤與坎之時義而已王至尊也耕耨穫梭獮狩之必親百官皆振其職自日成至歲會無敢愆乾之至健也歲月日時無易自鄉遂達于四夷秩然有序六官之屬各舉其職坤之至順也故若甚難而未嘗不易若甚繁而未嘗不簡彼若甚險阻而吾有以知之由日至歲由王而至于場廩百工無一日之怠所謂常德以習教事者也不如是而欲知民數則宣王之料民是已古不料民而知其多少所謂易以知險簡以知阻也料民而適以示少惡事則易者難簡者繁矣不藉千畝一不習于常以失乾之健其弊至此周公之法可輕議乎故譜其職掌時事之次如右

力政異同之譜

鄉遂法

卷六

司徒司 馬遂人	司徒	司徒鄉大 夫遂人	均人	左傳	鄉大夫	王制	王制
食者三之 家七人	大事軍旅 征役	鄉以三等任民 三人外乃為餘 夫遂以下劑致 忙外即為餘夫	豐年 旬用三日	周十月 龍 畢務	推六鄉可見 貴者舍 六遂都鄙	其家不 九十者 從政	不從 五十 力政
上地 可任者 家三人	大事致民	起徒役家一人 國中自七尺以 及六十	中年 旬用二日	火見而 致用 夏九月	先儒旬 作均一歲 不過三日 王制說	賢者舍 能者舍	不與 六十 服戎
食者半 家六人	大故喪禮 寇戎之事	鄉以中地為憲 正卒二而羨卒 三	無 旬用一日	水昏正 而裁 夏十月	近世儒者 謂自十月 節至十月 申旬有半 豐年十二日 中年九日 無年四日	服公事 者舍	不與 七十 賓客
中地 可任者 家五人	大故致餘子 鄭康成以餘 子為諸子然	以其餘為羨 遂以一劑政 旺正卒羨卒各 一	政 力 無	夏至而畢 夏十月	老者舍 疾者舍	齊衰大 功喪 三月不從政 將徙於 諸侯	齊喪 八十 弗及
食者三之 家五人	七月二之日其同 載績武功 郊特牲唯為社田 國人畢作	田與民同其 樂追胥與民 同其患					

小司徒之職掌建邦之教灋以稽國中及四郊鄙鄙之夫家九比之

數以辨其貴賤老幼廢疾凡征役之施舍與其祭祀飲食喪紀之禁令
乃會萬民之卒伍而用之五人為伍五伍為兩四兩為卒五

卒為旅五旅為師五師為軍以起軍旅以作田役以比追胥以令貢賦乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人

凡起徒役毋過家一人以其餘為羨唯田與追胥竭作凡用衆庶則掌其政教與其戒禁聽其辭訟施其賞罰誅其犯命者凡國之大事致民大故致餘子
鄉師之職以國比之灋以時稽其夫家衆寡

辨其老幼貴賤廢疾馬牛之物辨其可任者與其施舍者掌其戒令糾禁聽其獄訟
鄉大夫之職以歲時登其夫家之衆寡辨其可

任者國中自七尺以及六十野自六尺以及六十有五皆征之其舍者國中貴者賢者能者服公事者老者疾者皆舍以歲時入其書

均人掌均地政均地守均地職均人民牛馬車輦之力政凡均力政以歲上下豐年則公旬用三日焉中年則公旬用二日焉無年則公

旬用一日焉凶札則無力政無財賦不收地守地職不均地政三年大比則大均
遂人以時歲登其夫家之衆寡及其六畜車輦辨

其老幼廢疾與其施舍者以頒職作事以令貢賦以令師田以起政役
以下劑致阡旅師凡新阡之治皆聽之使無征役以地

之媿惡為之等
稍人若有會同師田行役之事則以縣師之灋作其同徒輦輦帥而以至治其政令

王制五十不從力政六十不與服戎七十不與賓客之事八十齊喪

之事弗及也八十者一子不從政九十者其家不從政廢疾非人不養者一人不從政父母之喪三年不從政齊衰大功之喪三月不從政將徙於諸侯三月不從政自諸侯來徙家期不從政

九職十二職異同之譜

<p>太宰九職 <small>任萬民</small></p>	<p>鄭司農云黍稷秬稻麻木大豆麥 <small>一曰三農生九穀</small> <small>鄭康成無秫大麥而有粟苽</small></p>	<p>二曰園圃毓草木</p>	<p>三曰虞衡作山澤之材</p>	<p>四曰藪牧養蕃鳥獸</p>	<p>五曰百工飭化八材 <small>珠象玉石 木金革羽</small></p>	<p>六曰商賈阜通貨賄</p>	<p>七曰嬪婦化治絲枲</p>	<p>八曰臣妾聚斂䟽材</p>	<p>九曰間民無常職轉移執事</p>	<p>大司徒十二職事</p>
<p>大司徒十二職事 <small>登萬民</small></p>	<p>鄭司農以平地山澤為藪 <small>一曰稼穡</small> <small>鄭康成以平地原隰為三農</small> <small>當從康成</small></p>	<p>二曰樹藝</p>	<p>三曰作材</p>	<p>四曰阜蕃</p>	<p>五曰飭材</p>	<p>六曰通財</p>	<p>七曰化材</p>	<p>八曰斂材 <small>司徒作材 疏材即七月采荼 斂材 斂材之屬以食農 夫而已非所以供上 即疏材也</small></p>	<p>九曰生材 <small>即間民</small></p>	<p>十有九職</p>
<p>閭師 <small>任民</small></p>	<p>農貢九穀</p>	<p>圃貢草木</p>	<p>虞衡貢其物</p>	<p>牧貢鳥獸</p>	<p>工貢器物</p>	<p>商貢貨賄</p>	<p>嬪貢布帛</p>	<p>無職出夫布</p>	<p>十有二服事 <small>府史胥徒之屬</small></p>	

大司徒十二職異同之譜

周禮

大宰以九職任萬民一曰二農生九穀二曰園圃毓草木三曰虞衡作山澤之材四曰藪牧養蕃鳥獸五曰百工飭化八材六曰商賈阜通貨賄七曰嬪婦化治絲枲八曰臣妾聚斂䟽材九曰間民無常職轉移執事太府掌九貢九賦九功之貳 內府掌受九貢九賦九功之貨賄 司會以九功之法令民職之財用 大司徒頒職事十有二于邦國都鄙使以登萬民一曰稼穡二曰樹藝三曰作材四曰阜蕃五曰飭材六曰通財七曰化材八曰斂材九曰生材十曰學藝十有一曰世事十有二曰服事 閭師凡任民任農以耕事貢九穀任圃以樹事貢草木任工以飭材事貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞以澤事貢其物凡無職者出夫布

太宰主於任民以出財用故以九職司徒主於登萬民以成事業故頒職事十有二自學藝而下皆食於上者無與乎出財用故太宰之九職所不及也學藝賢能也世事服事習為庶人之在官者也雖貴賤不同皆治人者也閭師治民於臣妾有所不及者䟽材非所以供上閭師主於致貢者也方其任之謂之九職職之成事謂之九功必有功然後有財用大府內府司會變文之義如此

八卷三十九

卷

四百八

大宰九賦九職九式九貢歛材制用之譜

蔡氏 八卷三十

幣餘	山澤	關市	邦都	邦縣	家削	邦甸	四郊	邦中	大宰 <small>九賦</small> 歛財 <small>賄</small>
	漆林之征 二十而五		十二	十二	十二	十二	園二十而一 近郊十一 遠郊二十而三	國宅無征 廛二十而一	載師 <small>地任</small>
以待賜予	以待喪紀	以待王 之膳服	以待祭祀	以待幣帛	以待匪頒	以待工事	以待稍秣	以待賓客	大府 <small>頌財</small> 式法
九日好用	三日喪荒	四日羞服	一日祭祀	六日幣帛	八日匪頒	五日工事	七日芻秣	二日賓客	大宰九式 <small>均節</small> 財用
轉 <small>移執事</small> 間 <small>民無常職</small>	臣妾聚 斂 <small>疏材</small>	治絲枲 嬪婦化	通貨賄	商賈阜 化八材	藪牧養 蕃鳥獸	虞衡作 山澤材	園圃毓 草木	三農生 九穀	大宰九職
出夫布		貢布帛	貢貨賄	貢器物	貢鳥獸	貢其物	貢草木	貢九穀	閭師 <small>民任</small>
九日物貢 <small>魚鹽</small> 之類	八日旂貢 <small>珠璣琅玕</small> 之類	七日服貢 <small>絺紵</small> 之類	六日貨貢 <small>金玉龜貝</small> 之類	五日材貢 <small>柝榦栝柏</small> 之類	四日幣貢 <small>織皮元纁</small> 之類	三日器貢 <small>磬錯</small> 之類	二日嬪賓 <small>絲枲織纊</small> 之類	一日祀貢 <small>菁茅</small> 之類	大宰九貢 <small>致邦國</small> 之用
蕃國 <small>各以所貴寶為摯</small>		采服 <small>貢服物</small>	要服 <small>貢貨物</small>	衛服 <small>貢材物</small>		男服 <small>貢器物</small>	甸服 <small>貢嬪物</small>	侯服 <small>貢祀物</small>	大行人

大宰九賦九職九式九貢歛材制用之譜

周禮

大宰以九職任萬民一曰三農生九穀二曰園圃毓草木三曰虞衡作山澤之材四曰藪牧養蕃鳥獸五曰百工飭化八材六曰商賈阜通貨賄七曰嬪婦化治絲枲八曰臣妾聚斂䟽材九曰閭民無常職轉移執事

以九賦斂財賄一曰邦中之賦二曰四郊之賦三曰邦甸之賦四曰家削之賦五曰邦縣之賦六曰邦都之賦七曰關市之賦八曰山澤之賦九曰幣餘之賦

以九式均節財用一曰祭祀之式二曰賓客之式三曰喪荒之式四曰羞服之式五曰工事之式六曰幣帛之式七曰芻秣之式八曰匪頒之式九曰好用之式

以九貢致邦國之用一曰祀貢二曰嬪貢三曰器貢四曰幣貢五曰材貢六曰貨貢七曰服貢八曰旂貢九曰物貢

小宰執邦之九貢九賦九式之貳以均財節邦用

大府掌九貢九賦九功之貳以受其貨財之入頒其貨于受藏之府頒其賄于受用之府凡官府

都鄙之吏及執事者受財用焉凡頒財以式法授之關市之賦以待王之膳服邦中之賦以待賓客四郊之賦以待稍秣家削之賦以待匪頒邦甸之賦以待工事邦縣之賦以待祭祀山澤之賦以待喪紀

幣餘之賦以待賜予凡邦國之貢以待乎用凡萬民之貢以充府庫凡式貢之餘財以共玩好之用

內府掌受九貢九賦九功之貨賄良兵良器以待邦之大用

司會以九貢之法致邦國之財用以九賦之法令田野之財用以九功之法令民職之財用以九式之法均節邦之財用

司書掌九職九正九事

載師掌任土之法以物地事授地職而待其政令以廛里任國中之地以場圃任園地以宅田士田賈田任近郊之地以官田牧田賞田牛田任遠郊之地以公邑之田任甸地以家邑之田任稍地以小都之田任縣地

以大都之田任疆地凡任地國宅無征園廛二十而一近郊十一遠郊二十而三甸稍縣都皆無過十二唯其漆林之征二十而五凡宅不毛者有里布凡田不耕者出屋粟凡民無職事者出夫家之征

以時徵其賦

閭師掌國中及四郊之人民六畜之數以任其力以待其政令以時徵其賦凡任民任農以耕事貢九穀任圃以樹事貢草木任工以飭材事貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞

以澤事貢之九無職者出夫布凡庶民不食者祭無牲不耕者祭無盛不樹者無椹不蠶者不帛不績者不裘 縣師以歲時徵野

之賦貢 大行人邦畿方千里其外方五百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之衛服五歲壹見其貢服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨物九州之外謂之蕃國世壹見各以其所貴寶爲執

先王之理財生之有道取之有義節之有禮其事總之大宰故先之九職任萬民所以生財也次以九賦斂財賄所以取財也又次以九式均節財用所以節財也三者備矣然後以九貢致邦國之用蓋王畿之內經用取具焉而後致九貢以爲之助而已先儒謂萬民有九職之貢又有九賦以口率出泉非也先王之取民不過什一既貢又賦不幾二乎況古之爲賦各供其有泉非民所有者惟市與間民則輸之豈以口率若後世之法哉蓋先儒見大府

詩卷之十四

既言九賦又言萬民諸侯之貢遂以九職九賦九貢裂而爲三九職既貢其物不得不以九賦爲出泉又見司會言致邦國之財用令田野之財用令民職之財用亦析以爲三益信其說蓋曾未深考之耳大府言九賦以頒財言之言萬民之貢以充府庫以受財言之非既使之貢又賦之也閭師任民止於國中四郊而甸稍縣都不與焉縣師徵野之賦貢而四郊國中不與焉載師任地又有在鄉遂井牧之外者故司會互見以相備於九功曰民職於九賦曰田野云耳關市山澤邦中之賦皆在九賦豈田野所該而甸稍縣都豈無民職之財用九賦出於九職九職輸爲九賦豈有賦而復貢者哉故於九職言任萬民於九賦言斂財賄於九式言均節財用大宰之職較然明矣九賦足以供九式九貢以待弔用言則以王者之致貢非以爲已私奉而邦國之貢不止待弔用而已禹之貢任土而作周之九貢則以六服爲限然亦其大法耳職方氏言凡邦國致其貢各以其所有則亦未嘗以行人之法拘之耳楚於周非侯服而包茅不入齊得以責之則祀貢不止於侯服行人

之文蓋亦互見耳古者取民以什一為中正而載師任地乃不同若此以所謂任地者非鄉遂之貢井牧之助故為法不同都鄙食四之一而取其什之二則通率二十之一賞田三之一食而取其二十之三則通率亦二十而一所謂貢助之什一未始變特於其什一之中取之以上供耳至於漆林之征則非田稅之比先王蓋有深意先儒言近者役重而稅輕遠者役輕而稅重是未深考任地之法以三者觀之可知矣



中國學
圖書印章

圖書在版編目(CIP)數據

帝王經世圖譜〔宋〕唐仲友撰.—北京:北京圖書館出版社,2003.12

(中華再造善本)

ISBN 7-5013-2329-1

I. 帝… II. 唐… III. 中國—古代史—紀傳體
IV. K204.2

中國版本圖書館CIP數據核字(2003)第101165號

ISBN 7-5013-2329-1



9 787501 323296 >

書名 帝王經世圖譜(全六冊)
著者 〔宋〕唐仲友 撰

出版 北京圖書館出版社(100034 北京市西城區文津街七號)

发行 Tel:(010)66151313 Fax:(010)66174391

E-mail: Btstxb@publicf.nlc.gov.cn

Website: www.nlcpress.com

造紙 華寶齋
印刷 杭州富陽古籍印刷廠

開本 八

印張 五九·二五

版次 二〇〇三年十二月第一版第一次印刷

印數 一—二〇〇

書號 ISBN 7-5013-2329-1 / K·722

定價 一九〇〇圓

